



UNIVERSITÄTS-
BIBLIOTHEK
PADERBORN

Universitätsbibliothek Paderborn

Liber De Regno Dei, De Qvo Christvs Loqvvtvs Per Dies quadraginta

Flavin, Melchior de

Parisiis, 1566

De dignitate eorum qui sunt de regno Christi.

urn:nbn:de:hbz:466:1-29986

ca mali vniti sunt corpori Christi, nō spiritu, sed corpore vt pallea grano.

De dignitate eorum qui sunt de regno Christi.

CAP. 35.



Vemadmodū princeps huius mundi terrenorum videlicet hominum diabolus attextit suos sibi, cuius est caput tāto nexu, vt ille sapius dicatur homo & mali homines diabolus dicantur: sic Christus caput eorum qui sunt de eius regno tanta vnione sibi coniungit, vt omnes dignitates eis communicet. vt enim ille filius est natura, sic & illi filij Dei adoptione. Ioan. 1. & 1. Ioan. 3. Rom. 8. & Gal. 3. & 4. Ille dilectus patri sic & illi per eum Ephes. 2. gratificauit nos in dilecto filio suo. & Ioann. 16. pater amat vos, sicut ille est omnium hæres. Hebr. 1. Ita & isti hæredes inquit Dei cohæredes autem Christi. Rom. 8. & Gal. 4. Ille cœlestis est. 1. Cor. 15. sic & isti, qui habent suū πολιτείαν & municipatum in cœlis, vbi nomina eorum scripta sunt. Non enim (inquit) habemus ciuitatem permanentem, sed futuram inquirimus. Hebr. 13.

O iij

DE REGNO

Vnum quod maximè tribuit Christo, diuinus sermo est quod sit vnctus à patre per spiritum, rex & sacerdos. Vnde omnes sui regni eadem vnctione spiritus sancti dicuntur, & reges sacerdotes. Apoc. 1. & 5. Fecisti nos Deo nostro reges & sacerdotes & 1. Pet. 2. vos estis genus electum, regale sacerdotium, Municipatus Romanus magno pretio emebatur. Act. 22. At qui nacti erant eam ciuilitatem non donabantur regia, vel imperatoria dignitate, vel Põtificia: quemadmodum ij, qui sunt ciues sanctorum, & domestici Dei sub rege Christo. Notandũ tamen, quòd duplex est sacerdotium, sicut & regnum, quoddam internum, alterum autem externum & publicum: Regnum internum commune est omnibus Christianis, qui Christi regis facti sunt membra in ipso baptisate, illos regit, inhabitatque inuisibiliter vt dissipet omne malum. Rex (inquit Salomon) qui sedet in folio, dissipat omne malum. Illos inquam per spiritum suum, vngit eos reges sicut ipse est rex potentissimus super carnem, mundum, diabolum, peccatum, mortem & infernum: sic & Christiani per Christum in eis re-

Apoc. 1. & 5.

1. Pet. 2.

Act. 22.

Proverb. 20.

gnatē quos oportet vincere. diabolum cum omnibus eius tentationibus, & carnem cum eius illecebris, ita peccatum & mundum vt consequamur coronam regiam. Id autem præstare non poteramus sine Christo rege. Quinimo eramus horum serui. At nunc per Christum non tantum asserti sumus à seruitute istorum, sed & facti superiores, & reges super omnes hostes spirituales, peccatum, mortem, infernum, diabolum. *Luc. 10.* Dedi vobis potestatem calcandi super serpentes & scorpiones, & super omnem virtutem inimici, & nihil vobis nocebit. Omnia (inquit Paulus) possum in eò, qui me confortat. *Philip. 4.* Illi enim sunt veri reges qui dominantur suis malis affectibus. Maior est (inquit Salomon) qui dominantur animo suo expugnatore urbium. De illa autem vñctione *Proverb. 16.* spiritus sancti qua sumus reges & sacerdotes, fusissime loquitur. Paul. *Ephes. 1. & 4. 1. Thes. 4. 2. ad Tim. 1. & 1. Ioan. 2.* Tandiu enim sumus reges, quandiu Christus regnat in nobis. Istud regnum spirituale cognouerunt Seneca de clemētia, & epistola 25. & 37. ad Lucillum. & Cicero in orat. pro Marcelio Ouid. epist. 4. & 3. de

Tristibus & Bœtius 3. Cōsolat. Qui se vo-
let esse potentem, animos domet ille fe-
roces, &c. Nulli tamen cōsecuti sunt hoc
regnum, nisi per fidem vnus Christi re-
gis. Alterum est autem regnum externū,
non commune omnibus: aliās polytia po-
puli Dei fuisset omnium pessima. Tribui
Iuda siquidem datum est regnum Israel.
Gen. 49. 2. Reg. 7. Quod regnum solum
erat verum: institutum à Deo. Cætera au-
tem regna primum ortum habuerunt à
Tyrannide, vt patet de Nemroth, Nino,
Romanis, &c. Hactenus de regno eorum
qui sub Christo militant.

Gen. 49.
2 Reg. 7.

CAP. 36. *Quomodo omnes Christiani sint sacer-
dotes, & de duplici sacerdotio.*



Non desunt hæretici qui asse-
rant omnes Christianos ex
ipsa vnctione baptismi esse
sacerdotes, nihili pendentes
vnctionem sacerdotalem (qua hactenus
vsa est ecclesia) cum Ioan. V uiclefuo Pet.
V ualdone & cæteris id genus pestibus.
Igitur aduertendū est quòd olim in po-
pulo Dei primogenitus erat rex & sacer-
dos & illud erat ius primogenitura de

Psal. 104.
Nolite tan-
gere cristos
meos.